



廣西方輿紀要序

廣西之地不必無所事於天下然欲保據一隅幸天下之不爲我患則勢有所不能何也始安之嶠吾境內之險也桂嶺左右可飛越者不一處棧嶺嶠之材浮湘水而下席捲衡水風趣長沙湖南一傾則湖北必動動湖北則中原之聲勢通矣昔人言用閩浙不如用粵東用粵東不如用粵西何也其所出之途易而湖南之險與我共之也昔者黃巢肆禍轉入廣南議者謂廣南繁富山嶺間阻賊必欲藉以自固勢且不能驟出惟高騭昌言於朝請敕荆南鎮將守桂梧昭永四州之險不聽旣

而賊從桂州編筏浮湘水歷衡永抵潭州欲徑上襄陽
不果乃逾江而東又渡淮而北入東都陷長安禍乃遍
於天下聞其發仞之始則桂州也蒙古兀良合台從雲
南入交趾可謂艱遠之至矣一旦從交趾而北破橫山
進陷賓州象州入靜江遂踰嶺而進破沅辰戰於潭州
城下與其淮北之師聲援相接也繼又趣湖北渡江而
去當是時宋人戰戍之兵不下數十萬而敵之出沒常
若無人之境是則善用兵者交趾且可以歷湖湘涉江
淮也況其爲粵西乎吾故曰所出之途易也然則粵西
何以不可守曰以粵西守則形見勢屈敵之加我數道

而至則我必困矣昔者尉佗兼有粵西其後牂牁潯水
之師入而屈於漢李襲志堅守始安卒并於蕭銑劉士
政保靜江而馬殷取之繼又爲南漢所奪宋潘美南伐
由道州而進克富川拔賀州而昭州桂州次第舉矣馬
堅宋名將也拮据靜江而卒爲蒙古所陷明初取廣西
楊璟由永州而入南攻靜江廖永忠則自廣州抵梧州
由平樂以趣靜江靜江下而兩江谿峒且望風欬伏矣
吾亦見以廣西而能倔強自雄使敵不能至城下卽至
而猶保其境內者也然則何以策廣西曰廣西者圖之
閒暇之時則有濟謀之倉卒之頃則無及也往者中原

多難時兩粵猶稱樂土誠得一深識遠慮有志於天下事者周旋其間埭江上下田土膏腴耕屯可以足食也其民與蠻獠雜處慣歷險阻便習弓弩訓練可以足兵也兵食既足隱然有以持天下之後遠之可以擊楫江淮近亦可以揚鞭荆楚流寇雖訐猶足有爲也或曰爲廣西計亦極難耳昔人言廣西之境大約狼人半之獠獠三之民居二之以區區二分之民介蠻夷之中一有舉動掣肘隨至未暇爲遠謀也曰不然當秦之季五嶺以南草昧方闢耳尉佗自稱蠻夷大長是也然佗猶能以兵威邊財物賂遺閩越西征甌駝役屬焉故以漢之

人而他猶能與抗今誠奉天子之命開府粵西以奔走封內蠻狼猺獍何不可爲吾用吾以信義先之財賞驅之威令制之部伍明賞罰當兩江酋長必率先趣命而猺獍之材能者吾亦擇而官之使督率其種落以供我之驅使則勝兵十萬可得也昔猺賊作亂官兵討之其人善登巖崖攀緣樹木捷如猿猱追襲所不能及又善制毒矢每發必中中者輒斃官軍憚之以向之爲我患者轉爲我用駕馭有方樞機在握相時之宜併力北向流賊猶敢當其鋒哉不此之爲而顧從容嘯傲如承平故事迨夫始安之嶠已踰嚴關之戍已遁而會城之

人尙處堂晏如嗚呼是猶刀組在前以腰領界之而已矣
天下事其孰任之哉

讀史方輿紀要一百六

錦里龍萬有燮堂校刊

廣西

禹貢荊州南徼地商周時皆爲蠻夷國所謂百越地也

亦謂之南越杜佑曰南越亦曰蠻越戰國時吳起相楚

蕃故曰百越後又謂之揚越今詳見廣東其在天文則翼軫分野也秦始皇

平南越此爲桂林象郡地秦末趙佗兼據此漢元鼎六

年討平之其地分領於荆交二州刺史後漢因之三國

屬於吳此爲荊州及廣州地晉時屬於廣州永和初割始安臨賀

二郡屬於湘州咸和四年復故義宋屬湘廣二州齊梁

熙八年復屬於湘州十三年復故讀史方輿卷一百六廣西一

攷文閣

因之隋屬揚州部而不詳所統隋末為蕭銑所據唐討

平之貞觀初屬嶺南道咸亨三年始分為嶺南西道治邕

州唐末屬於湖南馬氏五代周廣順初屬於南漢宋初

屬廣南路至道三年分為廣南西路治桂州元初置廣西

等道宣慰司隸湖廣行省至正中始分置廣西等處行

中書省明朝洪武九年改置廣西等處承宣布政使司

今領府十一內羈縻府三州四十七內羈縻者三十八縣五十三內羈縻者

縻者又羈縻長官司四總為里一千一百八十三夏秋二稅約四十三萬一千三百六

十石而衛所參列其中今仍為廣西布政使司

桂林府屬州二縣七

臨桂縣附郭興安縣

靈川縣

陽朔縣

全州

領縣一

灌陽縣

永寧州

領縣二

永福縣

義寧縣

平樂府

屬州一

縣七

平樂縣

附郭

恭城縣

富川縣

賀縣

荔浦縣

修仁縣

昭平縣

永安州

五屯守禦千戶所附見

梧州府

屬州一縣九

蒼梧縣

附郭

藤縣

容縣

岑溪縣

懷集縣

鬱林州

博白縣

北流縣

陸川縣

興業縣

潯州府

屬縣三

桂平縣

附郭

平南縣

貴縣

柳州府

屬州二縣七

馬平縣

附郭

雒容縣

柳城縣

羅城縣

懷遠縣

融縣

來賓縣

象州

領縣一

武宣縣

賓州

領縣一

遷江縣

上林縣

南丹衛遷江屯田千戶所附見

慶遠府

屬州四

縣五

宜山縣

附郭

天河縣

河池州

領縣二

思恩縣

荔波縣

南丹州

東蘭州

那池州

領縣一

長官司二

忻城縣

永順長官司

永定長官司

河池守禦千戶所附見

南寧府

屬州七

縣三

宣化縣

附郭

隆安縣

橫州

領縣一

永淳縣

新寧州

上思州

歸德州

果化州

忠州

下雷州

驃象衛附見

太平府

屬州十八

縣二

崇善縣

附郭

左州

養利州

永康州

上石西州

太平州

思城州

安平州

萬承州

全茗州

鎮遠州

思同州

茗盈州

龍英州

結安州

結倫州

都結州

上下凍州

思明州

陀陵縣

羅陽縣

思恩軍民府

屬縣一

武緣縣

鎮安府

紀要

直隸歸順府

思明府 屬州一

下石西州 祿州西平州附見

直隸田州 屬縣一

上林縣 恩城州上隆州附見

直隸泗城州 屬縣

程縣

直隸利州

直隸奉議州

直隸向武州 屬縣一